

清末農民革命史料彙編



王永興編

隋末農民戰爭史料彙編

中華書局

**隋末農民戰爭史料彙編**

王永興編

\*

**中華書局出版**

(北京王府井大街 36 號)

**新華書店北京發行所發行**

**北京第二新華印刷廠印刷**

\*

850×1168 毫米 1/32 · 8<sup>•</sup>/8 印張 · 167 千字

1980 年 8 月第 1 版 1980 年 8 月北京第 1 次印刷

印數 1—5,400 冊

統一書號：11018 · 858 定價：0.95 元

## 說明

(一)隋朝末年的農民起義，開始時規模較小，也比較分散。在長期的戰鬥過程中，這些分散的起義隊伍逐漸彙合成一支強大的農民起義力量。各個地區的農民起義，幾乎都具有這一特點，河北、山東以及河南等地區尤為顯著。我們根據這一特點纂集有關資料。例如在河北、山東地區，最初曾有很分散的小規模農民起義隊伍，後來逐漸彙合成爲竇建德、劉黑闥領導的強大的農民軍；我們以竇建德、劉黑闥領導的農民起義爲中心，將河北、山東地區的全部農民起義資料按時間先後纂集編列。其它地區也是如此。

在河東和西北地區，上述特點不甚明顯，但爲了統一體例，仍然以該地區內規模較大的農民起義爲標題。

李子和本是左翊衛，「犯罪徙榆林」，因年饑起兵，從「執郡丞王才」，數以不恤百姓，斬之，開倉以賑窮乏。」(舊唐書李子和傳)這一記載來看，可能是農民起義，故亦編列有關史料，供研究。

(二)隋書、舊唐書、新唐書、資治通鑑比較集中地記載了隋末農民起義資料。考慮到研究工作者查閱的方便，本書纂集歷次農民起義資料，都先列隋書、舊唐書、新唐書、資治通鑑中的有關史料，按該

書的卷次順序摘抄。其它各種書、文的排列順序，按史料的集中程度與成書、成文的時間先後相結合的原則排列。

(三)隋書、舊唐書、新唐書、資治通鑑，均以中華書局出版的點校本爲底本。各該書的校勘記，標以「原注」，以區別於編者所加的校記。通鑑攷異，只摘錄其中有關農民起義的部分資料。

(四)爲便於研究工作者掌握每一次農民起義的全過程及其內部鬥爭的有關情況，主要史料均全部抄錄，例如各書的李密傳、竇建德傳，均全文編入。

(五)有些資料開頭的圓括號內的年月日，是編者加的。

編 者

## 目 錄

一、竇建德、劉黑闥領導的農民起義 ······	一
二、劉元進領導的農民起義 ······	九〇
三、杜伏威、輔公祏領導的農民起義 ······	九六
四、李子通領導的農民起義 ······	一三九
五、翟讓、李密領導的農民起義 ······	一三四
六、林士弘領導的農民起義 ······	一三七
七、高開道領導的農民起義 ······	一三一
八、徐圓朗領導的農民起義 ······	二三八
九、李子和領導的農民起義 ······	二四五
一〇、敬盤陀、柴保昌領導的農民起義 ······	二四八
一一、向海明領導的農民起義 ······	二五五

# 一、竇建德、劉黑闥領導的農民起義

## 隋書卷四，煬帝紀

（大業九年春正月）壬午，賊帥杜彥冰、王潤等陷平原郡，大掠而去。（下略）

乙未，平原李德逸聚衆數萬，稱「阿舅賊」，劫掠山東。（中略）

二月己未，濟北人韓進洛聚衆數萬，爲羣盜。（中略）

三月丙子，濟陰人孟海公起兵爲盜，衆至數萬。（中略）

庚子，北海人郭方預聚徒爲盜<sup>①</sup>，自號盧公，衆至三萬，攻陷郡城，大掠而去。（中略）

（五月）己卯，濟北人甄寶車聚衆萬餘，寇掠城邑。（中略）

九月己卯，濟陰人吳海流、東海人彭孝才並舉兵爲盜，衆數萬。（中略）

冬十月丁丑，賊帥呂明星率衆數千圍東郡，武賁郎將費青奴擊斬之。（中略）

齊人孟讓、王薄等衆十餘萬，據長白山，攻剽諸郡，清河賊張金稱衆數萬，渤海賊格謙自號燕王，孫宣雅自號齊王，衆各十萬，山東苦之。（中略）

十一月己酉，右候衛將軍馮孝慈討張金稱於清河，反爲所敗，孝慈死之。

(十年)夏四月辛未，彭城賊張大彪聚衆數萬，保懸薄山爲盜。遣榆林太守董純擊破，斬之。(中略)

按冊府元龜卷一二一 帝王部征討一大業十年四月條同。

(五月)壬寅，賊帥宋世謨陷琅邪郡。(中略)

(十一年春正月)戊戌，武貴郎將高建毗破賊帥顏宣政於齊郡<sup>②</sup>，虜男女數千口。(中略)

二月戊辰，賊帥揚仲緒率衆萬餘攻北平，滑公李景破斬之。(中略)

丙子，上谷人王須拔反，自稱漫天王，國號燕，賊帥魏刁兒自稱歷山飛，衆各十餘萬，北連突厥，南寇趙。(中略)

(冬十月)丁卯，彭城人魏驥驥聚衆萬餘爲盜，寇魯郡。(中略)

十一月乙卯，賊帥王須拔破高陽郡。(中略)

(十二年二月)癸亥，東海賊盧公暹率衆萬餘，保於蒼山。(中略)

八月乙巳，賊帥趙萬海衆數十萬，自恒山寇高陽。(中略)

(十三年春正月)丙辰，勃海賊竇建德設壇於河間之樂壽，自稱長樂王，建元丁丑。(中略)

(二月)戊子，賊帥王子英破上谷郡。(中略)

(冬十月)戊戌，武貴郎將高毗敗濟北郡賊甄寶車於嶧山。

隋書卷六三，楊義臣傳

時（大業七年）渤海高士達、清河張金稱并相聚爲盜，衆已數萬，攻陷郡縣。帝遣將軍段達討之，不能剋。詔義臣率遼東還兵數萬擊之，大破士達，斬金稱。又收合降賊，入豆子航討格謙，擒之。以狀聞奏，帝惡其威名，遽迫入朝。賊由是復盛。

按冊府元龜卷三五七將帥部立功一〇楊義臣條同。

### 隋書卷六四，王辯傳

（上略）及山東盜賊起，上谷魏刀兒自號歷山飛<sup>③</sup>，衆十餘萬，劫掠燕、趙。帝引辯昇御榻，問以方略，辯論取賊形勢，帝稱善曰：「誠如此計，賊何足憂也。」於是發從行步騎三千擊敗之。（中略）明年，渤海賊帥高士達自號東海公，衆以萬數，復令辯擊之，屢挫其鋒。（中略）

復令往信都經略。士達於是復戰，破之。（下略）

時賊帥郝孝德、孫宣雅、時季康、竇建德、魏刀兒等往往屯聚，大至十萬，小至數千，寇掠河北，辯進兵擊之，所往皆捷，深爲羣賊所憚。

按冊府元龜卷三五七將帥部立功一〇王辯條略同。

### 隋書卷六五，周法尚傳

（上略）時（大業七年）有齊郡人王薄、孟讓等舉兵爲盜，衆十餘萬，保長白山，頻戰每挫其鋒。

按北史卷七六周法尚傳文同。

隋書卷六五，李景傳

(上略)(大業九年)會幽州賊楊仲緒率衆萬餘人來攻北平，景督兵擊破之，斬仲緒。於時盜賊蠭起，道路隔絕，景遂召募，以備不虞。

隋書卷六五，董純傳

(上略)(大業十年四月)，會彭城賊帥張大彪、宗世模等衆至數萬，保懸薄山，寇掠徐、兗，帝令純討之。純初閉營不與戰，賊屢挑之，不出，賊以純爲怯，不設備，縱兵大掠。純選精銳擊之，合戰於昌慮，大破之，斬首萬餘級，築焉京觀。

按北史卷七八董純傳文略同。

賊魏麒麟衆萬餘人，據單父，純進擊，又破之。

及帝重征遼東，復以純爲彭城留守。東海賊彭孝才衆數千，掠懷仁縣，轉入沂水，保五不及山，純以精兵擊之，擒孝才於陣，車裂之，餘黨各散。

時百姓思亂，盜賊日益，純雖頻戰克捷，所在蠭起。(下略)

按冊府元龜卷三五七將帥部立功一〇董純條文略同。

隋書卷六五，薛世雄傳

(上略)未幾，李密逼東都，中原騷動。詔世雄率幽、薊精兵將擊之。軍次河間，營於郡城南。河間

諸縣並集兵，依世雄大軍爲營，欲討竇建德。建德將家口遁，自選精銳數百，夜來襲之<sup>④</sup>，先犯河間兵，潰奔世雄營。時遇霧霧晦冥，莫相辨識，軍不得成列，皆騰柵而走，於是大敗。世雄與左右數十騎遁入河間城，慙恚發病，歸於涿郡，未幾而卒。

按北史卷七六薛世雄傳文略同；冊府元龜卷四四二將帥部敗衄二薛世雄條文同。

### 隋書卷六七，裴矩傳

及宇文氏敗，爲竇建德所獲，以矩隋代舊臣，遇之甚厚。復以爲吏部尚書，尋轉尚書右僕射，專掌選事。建德起自羣盜，未有節文，矩爲制定朝儀，旬月之間，憲章頗備，擬於王者，建德大悅，每諮詢焉。及建德度河討孟海公，矩與曹旦等於洺州留守。建德敗於武牢，羣帥未知所屬，曹旦長史李公淹、大唐使人魏徵等說旦及齊善行令歸順，旦等從之。（下略）

### 隋書卷七一，張須陁傳

（上略）明年（大業七年），賊帥王薄聚結亡命數萬人，寇掠郡境，官軍擊之，多不利，須陁發兵拒之。薄遂引軍南，轉掠魯郡，須陁躡之，及於岱山之下。薄恃驟勝，不設備。須陁選精銳，出其不意，擊之，薄衆大潰，因乘勝斬首數千級。薄收合亡散，得萬餘人，將北度河，須陁追之，至臨邑，復破之，斬五千餘級，獲六畜萬計。（中略）

薄復北戰，連豆子、竄賊孫宣雅、石祗閹、郝孝德等<sup>⑤</sup>，衆十餘萬，攻章丘。須陁遣舟師斷其津濟，親

率馬步二萬襲擊，大破之。賊徒散走，既至津梁，復爲舟師所拒，前後狼狽，獲其家累輜重不可勝計。  
(下略)

其年，賊裴長才、石子河等衆二萬，奄至城下，縱兵大掠。須陁未暇集兵，親率五騎與戰，賊競赴之，圍百餘重，身中數創，勇氣彌厲。會城中兵至，賊稍却，須陁督軍復戰，長才敗走。

後數旬，賊帥秦君弘、郭方預等合軍圍北海，兵鋒甚銳。須陁謂官屬曰：「賊自恃強，謂我不能救，吾今速去，破之必矣。」於是簡精兵，倍道而進，賊果無備，擊大破之，斬數萬級，獲輜重三千兩。  
(下略)十年，賊左孝友衆將十萬，屯於蹲狗山。須陁列八風營以逼之<sup>⑥</sup>，復分兵扼其要害，孝友窘迫，面縛來降。其黨解象、王良、鄭大彪、李晚等衆各萬計<sup>⑦</sup>，須陁悉討平之。  
(下略)

俄而賊盧明月衆十餘萬將寇河北，次祝阿，須陁邀擊，殺數千人。賊呂明星、帥仁泰、霍小漢等，衆各萬餘，擾濟北，須陁進軍擊走之。

按北史卷八五張須陁傳文略同；冊府元龜卷三五七將帥部立功一〇張須陁條同。

### 隋書卷七一，楊善會傳

俄而山東饑饉，百姓相聚爲盜，善會以左右數百人逐捕之，往皆克捷。其後賊帥張金稱衆數萬，屯於縣界，屠城剽邑，郡縣莫能禦。善會率勵所領，與賊搏戰，或日有數合，每挫其鋒。煬帝遣將軍段達來討，金稱善會進計於達，達不能用，軍竟敗焉。達深謝善會。後復與賊戰，進止一以謀之，於是大克。

金稱復引渤海賊孫宣雅、高士達等衆數十萬，破黎陽而還，軍鋒甚盛。善會以勁兵千人邀擊破之。（中略）金稱稍更屯聚，以輕兵掠冠氏。善會與平原通守楊元弘步騎數萬衆，襲其本營。武賁郎將王辯軍亦至，金稱釋冠氏來援，因與辯戰，不利。善會選精銳五百赴之，所當皆靡。辯軍復振，賊退守本營。諸軍各還。

於時山東思亂，從盜如市，郡縣微弱，陷沒相繼，能抗賊者唯善會而已。前後七百餘陣，未嘗負敗，每恨衆寡懸殊，未能滅賊。會太僕楊義臣討金稱，復爲賊所敗，退保臨清，取善會之策，頻與決戰，賊乃退走，乘勝遂破其營，盡俘其衆。金稱將數百人遁逃，後歸漳南，招集餘黨，善會追捕斬之，傳首行在所（下略）。

其年，從楊義臣斬漳南賊帥高士達，傳首江都宮。帝下詔褒揚之。士達所部將竇建德自號長樂王，來攻信都。臨清賊王安阻兵數千，與建德相影響，善會襲安，斬之。建德既下信都，復擾清河，善會逆拒之，反爲所敗，嬰城固守。賊圍之四旬，城陷，爲賊所執。建德釋而禮之，用爲貝州刺史。善會罵之曰：「老賊何敢擬議國土，恨吾力劣，不能擒汝等。我豈是汝屠酤兒輩，敢欲更相吏邪！」臨之以兵，辭氣不撓。建德猶欲活之，爲其部下所請，又知終不爲己用，於是害之。（下略）

按北史卷八五楊善會傳文略同。

## 隋書卷七一，松贊傳<sup>⑧</sup>

竇建德 劉黑闥領導的農民起義

北海松贊，（中略）爲石門府隊正。大業末，有賊楊厚擁徒作亂，來攻北海縣，贊從郡兵討之。贊輕騎覘賊，爲厚所獲，厚令贊謂城中，云郡兵已破，宜早歸降。贊僞許之，既至城下，大呼曰：「我是松贊，爲官軍覘賊，邂逅被執，非力屈也。今官軍大來，并已至矣，賊徒寡弱，旦暮擒剪，不足爲憂。」賊以刀築贊口，引之而去，敵擊交下，贊罵厚曰：「老賊何敢致辱賢良，禍自及也。」言未卒，賊已斬斷其腰。城中望之，莫不流涕扼腕，銳氣益倍。北海卒完。煬帝遣戶曹郎郭子賤討厚，破之。（下略）

冊府元龜卷一三八帝王部旌表二文略同。

### 隋書卷七二，李德饒傳

後爲金河長，未之官，值羣盜蠭起，賊帥格謙、孫宣雅等十餘頭，聚衆於渤海。時有勅許其歸首，謙等懼不敢降，以德饒信行有聞，遣使奏曰：「若使德饒來者，卽相率歸首。」帝於是遣德饒往渤海，慰諭諸賊，行至冠氏，會他盜攻陷縣城，德饒見害。（下略）

### 隋書卷七三，郭紹傳

及山東盜賊起，紹逐捕之，多所剋獲。時諸郡無復完者，唯涿郡獨全。後將兵擊竇建德於河間，戰死。（下略）

### 隋書卷七六，孔德紹傳

會稽孔德紹，有清才，官至景城縣丞。竇建德稱王，署爲中書令，專典書檄。及建德敗，伏誅。

## 隋書卷七六，劉斌傳

南陽劉斌，頗有詞藻，官至信都郡司功書佐。竇建德署爲中書舍人。建德敗，復爲劉黑闥中書侍郎。與劉黑闥亡歸突厥，不知所終。

按北史卷八三劉斌傳文同。

## 隋書卷八五，宇文化及傳

(上略)(唐高祖武德二年閏二月)，竇建德悉衆攻之。先是，齊州賊帥王薄聞其多寶物，詐來投附，化及信之，與共居守。至是，薄引建德入城，生擒化及，悉虜其衆。先執智及、元武達、孟秉、楊士覽、許弘仁皆斬之。乃以轎車載化及之河間，數以殺君之罪，并二子承基、承趾皆斬之，傳首於突厥義成公主，梟於虜庭。(下略)

## 隋書卷八五，王充傳

(上略)十二年，遷爲江都通守。時厭次人格謙爲盜數年，兵十餘萬，在豆子航中。充帥師破斬之，威振羣賊。(下略)

冊府元龜卷三五七帝王部立功一〇王世充條文同；北史卷七九王世充傳文亦同。

## 隋書卷八五，段達傳

(上略)帝征遼兵，百姓苦役，平原祁孝德、清河張金稱等並聚衆爲羣盜<sup>⑨</sup>，攻陷城邑，郡縣不能禦。

帝令達擊之，數爲金稱等所挫，亡失甚多，諸賊輕之，號爲段姥。後用鄃令楊善會之計，更與賊戰，方致剋捷。（中略）

高陽魏刀兒聚衆十餘萬，自號歷山飛，寇掠燕、趙，達率涿郡通守郭絢擊敗之。（下略）

北史卷七九段達傳文同；冊府元龜卷四五三將帥部怯懦類文同。

### 隋書卷二三，五行志

（大業）九年，帝在高陽。唐縣人宋子賢善爲幻術，每夜樓上有光明，能變作佛形，自稱彌勒出世。又懸大鏡於堂上，紙素上畫爲蛇爲獸及人形。有人來禮謁者，轉側其鏡，遣觀來生形像，或映見紙上蛇形，子賢輒告云：「此罪業也，當更禮念。」又令禮謁，乃轉人形示之。遠近惑信，日數百千人，遂潛謀作亂，將爲無遮佛會，因舉兵，欲襲擊乘輿。事泄，鷹揚郎將以兵捕之。夜至其所，遶其所居，但見火坑，兵不敢進，郎將曰：「此地素無坑，止妖妄耳。」及進，無復火矣，遂擒斬之，并坐其黨與千餘家。

### 隋書卷二三，五行志

大業十二年，（中略）是時長白山賊寇掠河南，月餘，賊至城下。郡兵拒之，反爲所敗，男女死者萬餘人。

### 校注

①原注：「郭方預」（預）原作（頂），據北史隋本紀下、通鑑隋紀六及御覽一〇六改。」

②高建毗，多「建」字，應作「高毗」。隋書卷四煬帝紀大業十三年十月條、隋書卷七十、舊唐書卷五三、冊府卷三五七、通鑑卷一八七均作「高毗」。

③魏刀兒，有的史料作魏刁兒，但隋書、北史、舊唐書卷二、冊府卷三五七、通鑑卷一八二、一八六、一八七都作「魏刀兒」。

④「建德將家口遁，自選精銳數百夜來襲之。」這句話前後矛盾，很難通解，建德既已「將家口遁」，又怎能「自選精銳數百夜來襲之」呢？冊府作「建德將軍來河口，自選精銳數百夜來襲之。」「河口」應是「河間」之誤。據通鑑卷一八四引革命記，當時起義軍在武強縣，離河間一百四十里，竇建德率領起義軍從武強來河間，更選精銳數百襲擊隋軍。從上下文意看，冊府的記述符合實際情況。隋書、北史的記述有誤。

⑤石祇闍，北史本傳作石祇闍。

⑥八風營，北史本傳作八營，通鑑卷一八二只作列營。北史作八營是。

⑦李晚，北史本傳作李晚。

⑧松贊，北史作杜松贊。

⑨祁孝德，誤，北史本傳及通鑑卷一八二皆作祁孝德。

## 舊唐書卷一，高祖紀

隋義寧二年二月，清河賊帥竇建德僭稱長樂王。（中略）

（武德二年二月）丁酉，竇建德攻宇文化及於聊城，斬之，傳首突厥。（中略）

十一月丙子，竇建德陷黎陽，盡有山東之地。淮安王神通、左武侯大將軍李世勣皆沒於賊。（中略）  
（三年正月）甲午，李世勣於竇建德所自拔歸國。建德僭稱夏王。（中略）